



BIBLIOTHECA
UNIV. JAGELL.
CRACOVENSIS

1817


I

Magn. Sc. Dr.

P

I.D. Selikowski
M.LVTHERI
TRIUMPHVS

Cracoviae 1604



V E R V S
M A R T I N I L V T H E R I
T R I V M P H V S.

*Contra Thrasonicum eiusdem Triumphum, à quo-
dam Lutherano confictum, Anno Domini,
Millesimo, Quingentesimo, Sexage-
simo Octauo.*

Ab Illustriss: & Reuerendiss: piæ memoriæ
I O A N N E D E M E T R I O S O L I K O W S K I ,
Archiepiscopo Leopolieñ, olim conscri-
ptus, nunc verò in lucem editus.

*Opera & studio M A T T H I Æ S I S I N I I , S. Theologiae
Doctoris, C. S.*

Memoria iusti cum laudibus, & nomen impiorum putrefacet. Proverb: x.

C R A C O V I Æ ,
In Officina Andreæ Petricouij.
Anno Domini, 1604.

IN ARMA

Illustris & Reuerendiss : Dñi,

D. SIMONIS RVDNICKI,
Maioris Regni Secretarij, Custodis Gnesneñ,
Canonici Cracouieñ, &c.&c.



1817-

Quid geminata notat celeri crux tecta sagitta?
Maiorum robur cum pietate simul.
Juuerunt illi Patriæ rem grandibus ausis,
Hos inter pulchra tu pietate nites.



ILLVSTRI ET REVERENDIS: DOMINO,
D. SIMONI RVDNICKI,
REGNI SECRETARIO MAIO-
RI, CVSTODI GNESNENSI,
CANONICO CRACOVIEN. &c.&c.

Domino colendissimo.

MATTHIAS SISINIVS, S. Theol: Doctor, Felicitatem.

ANNVS iam sextus & trigesimus la-
bitur Ill. & R̄ndiss: Dñe, cūm qui-
dam ē ludo & officina Martini Lu-
theri, non minūs fastuosum quām
falsum prēceptoris sui maximi impostoris, ob
nescio quæ ipsius in Rempub. Christianam merita,
triumphum conscripsit, & in lucem edidit. Nam
quis vnquam improbissimi & periurissimi illius
Apostatæ triumphus verus esse potuit? quæ ille
pro bono communi bella suscepit? quæ spolia ex
hostibus Reipub. Christianæ retulit? Meruit equi-
dem Martinus Lutherus, sed non de Christi Ec-
clesia, cuius auctoritatem contempſit, vnitatem
lacerauit, pacem turbauit, ritus & ceremonias

irrisit, leges conculcauit, Sacra menta alia expio-
sit, alia mutauit. Meruit, sed non de ciuitatibus
& Rebus publicis Christianis, in quarum plerasq;
horribilem & execrandam confusionem atque
~~ālaξīas~~ inuexit: non de Regibus & Principibus
Catholicis, quos potestate, nō temerè, non à dia-
bolo, vt ipse iactabat, sed Dei prouidentia, vt ait
S. Irenæus, ordinata, quantum in se erat, spolia-
uit: non de aliis quibuscunq; Magistratibus, qui-
bus gladium diuinitus datum ad vindictam ma-
lorum, laudem verò bonorum, ausus est de mani-
bus extorquere: non de subiectis populis, quos
Dominorum suorum ceruicibus imposuit, & in
funestā aciem aduersus eos iteratò adduxit. Me-
ruit ille, at non de Sanctorum hominum in cœ-
lo iam vitam beatam agentium ordinibus, quos
inde omnibus linguae suæ telis conatus est extur-
bare: non de ipsorum & nostro capite Christo
I E S V vero Dei Filio, cuius corpus & omnia ipsi-
us membra indignissimè tractauit. Quid ergo?
meruit perfidus Apostata, de patre omnis mēda-
cij Sathana, cum quo multos modios salis come-
dit, cuius gregi multa millia animarū addixit.
Suscepit certamen, pro improbitate, contra vir-
tutem:

tutem: pro licentia & impunitate, contra legum
disciplinam: pro carne, contra spiritum: pro fal-
sitate, contra veritatem: pro noua & inani fidu-
cia, contra antiquam & solidā à Christo & Apo-
stolis ad nos vsq; propagatam fidem. Vicit insa-
nus ille Saxo , pudorem, libidine : Dei hominūq;
timorem, audacia: rationem, amentia: honesta-
tem, turpitudine : pietatem, scelere : constantiā,
furore: æquitatem, temperantiam, fortitudinem,
prudentiam, virtutes omnes, iniquitate, luxuria,
ignauia, temeritate , vitiis omnibus. His mon-
strum illud informe beneficiis societatem huma-
nam affecit , huiusmodi prælia & certamina su-
fcepit: attamen tanquam re bene & feliciter ge-
sta , perditus homo pleno ore impuri veteratoris
in cælum fertur. Non tulit hanc tantam impu-
dentiam magnū illud Leopolieñ Ecclesiæ lumen,
IOANNES DEMETRIVS SOLIKOWSKI, pro
eo ac erat iniuriarum Christi & Ecclesiæ zelator
admirabilis, qui interea dum iste triumphat, Re-
giomonti Borussiæ negotia patriæ sibi cōmissa
curabat: itaque adolescens annos octo & viginti
circiter natus, non tam pōético quām diuino
percitus spiritu, illi ex mendaciis conflato trium-

pho verum opposuit. Cæterū, vt erat mode-
stissimi semper ingenij, operam hanc suam cela-
bat. Ego verò, illo ex mortalitate ad immortaliti-
atem sublato, cùm in versus tam elegantes, tam
perpolitos, tam graues & vtiles incidisem , tan-
tum in illa ætate magni illius Antistitis pro domo
Dei zelum admiratus, statim ab iis in quorū erant
potestate petij, vt mihi eos in publicum proferre
liceret. Quare annuentibus atq; concedentibus
ipsis , mittuntur a me , aut potius suapte sponte
prodeunt in conspectū tuum Ill. & Rñdiss:Dñe.
Libertatē adeundi fecit magna inp̄ rimis scripto-
ris auctoritas , tum eiusdem non mediocris tecū
morum & studiorum similitudo , & arcta , quæ
inde coauit, animi coniunctio , atq; insignis tua
erga virtutis & literarum alumnos prop̄sio. Ac
vir quidem ille, cuius versus ad te veniunt, qualis
quātusq; fuerit, testis sit hæc amplissima Relpub.
cui quatuor & viginti legationibus ad exterōs &
potentissimos Reges atq; Principes obitis , indu-
striam, fidem, prudētiā, cæterasq; diuinās ani-
mi dotes, luculenter probauit ; quam non tātūm
suis atque suorum fortunis omnibus, sed vita eti-
am ipsa cariorem semper habebat. Cum hoc tan-
to viro

to viro, non oris & vultus, sed vitæ & actionum
permagna tibi similitudo fuit. Etenim eorū tri-
um officiorū, quæ tu vnus nō minori fide, quam
dexteritate nunc administras, vnum ille quon-
dam pari laude sustinuit. Semper ille iam inde à
prima ætate, in actu & labore; quodq; sibi à Pon-
tificiis Senatoriisq; functionibus superabat otii,
totum id aut diuinarum rerum contemplationi,
aut lectioni, aut scriptioni tribuebat; tu verò,
amplius iam quam viginti annos, in magnis Re-
gum & Reipub. negotiis strenuè duras. Non ille
mercedē nisi sempiternā pro laboribus suis, fide-
liter pro Repub. exālatiſ quærebat: hęc eadem
apud te pro aurea messe nunquā est habita. Non
iustificabat ille impiū pro muneribus, nec iustitiā
iusti auferebat ab eo: & tibi hāc laudem quis au-
deat aut possit iure merito detrahere? Reddi-
rat ille se omnibus humanitate & comitate per-
petua iucundū, sanctitate vitę & pietate non mi-
nus venerandū: & tu eisdem virtutibus quotidie
te ipsum superas. Misericordia & beneficētia er-
ga indigentes tam effusa fuit, vt credibile mihi
quidē videatur, mediocres ipsius redditus ad vsum
tātē liberalitatis, diuinitus, vt aliquando farina &

oleum

oleum illud Sarepthanæ viduæ, auctos interdum
fuisse: sed & tu nunquam munificam manū sub-
trahis ab inope. quis enim tuam vnquam opē im-
plorauit & tristis discessit? Virtutē ille & doctri-
nam, in iis etiam quos nunquam viderat amabat,
quos autem præsentes habebat mirificè comple-
tēbatur & ornabat, eorumq; cōsuetudine nihil
illi fuit iucundius: & tu istius laudis cum ipso so-
cietatem habes. Probant id vbertim multi opti-
mi & doctissimi viri, quos vnicè diligis; probauis
& ego literarū amicus, cui tu ante annos aliquot,
cūm in aula magni illius & immortali memoria
atq; prædicatione digni Cardinalis RADZIVILI
adolescentiam meam agerem, varia humanitatis
& bonæ gratiæ argumenta affatim exhibuisti.
En quām dulcis vestrarum vtriusq; virtutū har-
monia, quām iucundus morum cōcentus, quām
concinna in omnibus vitæ similitudo. Ex hac
nimirum emanauit tanta inter vos mutua volun-
tatum cōsensio. Et tu quidem quo studio & vo-
luntate erga virum illum fueris, liquet ex eo affe-
ctu, quem consanguineis ipsius etiam nunc qua-
uis data occasione clare testaris. ille autem exi-
miis animi tui dotibus ita affectus fuit, vt tibi
post fa-

post fata sua , eius in qua vigilantissimè sedebat
Cathedræ , nisi aliò Deus vocaret , toto animo
exoptauerit successionem. Eius igitur tam ma-
gni , tamq; magna tibi necessitudine coniuncti
viri versus ab ingenti erga religionem Christia-
nam profectos affectu , quorum veritatem egre-
gius nostri æui scriptor Laurentius Surius cōpro-
bat , accipe quæso Ill. & Rñdis: Dñe , illo quo sem-
per fueras erga superstitem animo ; placeant , non
quia à me oblati , sed quia à tanto viro elucubrati .
Solent talium etiam minutula quæq; monumen-
ta , magni esse apud æquos æstimatores momēti .
Hinc Protei Philosophi baculum talento , & Epi-
cteti Stoici fictilem lucernā , ter mille drachmis ,
venisse accepimus . Sed non est quòd multis ope-
rā admirandi illius senis apud te prædicē : satis est
dixisse , ipse scripsit : cui Dominus iustus iudex la-
bores omnes pro Ecclesia sua suscepitos , præmiis
cōpenset sempiternis : tibi verò annū hunc quem
ingressi sumus , felicem esse velit , aliosq; conse-
quentes quām plurimos ex voto proro-
get . Crac. 4. Non : Ianuarij.

Anno Domini , 1604.

B

AD MANES
ILLVSTRISS: AC REVERENDISS:
IOANNIS DEMETRII SOLIKOWSKI,
Archiepiscopi Leopolieñ.

DEMETRI SOLICOVIORVM ocelle,
Quām ciuis Patrię bonus fuisti,
Agnoscit reor orba. quām Senator
Prudens, veridicusq; diligensq;
Libertatis, honoris, ac honesti,
Priuato integer à cupidine, ipsis
Contentus meritis, perenniumq;
Spe post ultima fata præmiorum ;
Agnoscunt, quibus haud vorat malignum
Pectus liuor, & approbant probanda.
Quām verbis bonus ac libusq; pastor
Commissi gregis, ipse si negarit,
At muti lapides pro eo loquentur.
Quām diues sapientia, ingeniq;
Testantur tua multa scripta abunde,
Nec ornata minus, nimisq; docta.
Ast quām VIR BONVS ET PROBVS fuisti,
Et quantus tibi cor coquebat imum
Zelus, relligione pro vetusta,
Hi pandunt satis usquequaque versus ;
Legendi, & quibus allubescit ille
Quinti Euangelii architectus, atrox
Nostris cui macula ac lues Lutherus.

M. S.

V E R V S
M A R T I N I L V T H E R I
T R I V M P H V S.

Contra Thrasonicum eiusdem triumphum, à
quodam Lutherano confictum, Anno Mil-
lesimo, quingentesimo, sexagesimo
octauo.

Ergo Triumphator rursum reuocaris ab Orco,
Nec tua crasse siletes rabies post fata Luthere,
Libido.
Quà quondam libuit terras cœlumq; profundum,
Propter inauditæ miscere libidinis æstus?
Ergo triumphas?

Quòd violare fidem Monachi votumq; licebat,
Nec te maiestas legum, nec Numinis horror,
Nec Patrum integritas, numerus, concordia mouit,
Quin contra faceres hæc omnia turpiter audax.

Votum
fractum.

Ergo triumphas?

Quòd pax quam multis, felix Ecclesia, seclis
Obtinuit, cultuq; Dei concorditer usa,
Est manibus concerpta tuis lacerataq; dente,
Et iam fecisti plena omnia seditionum.

Pax Eccle-
siae rupra.

Ergo triumphas?

B 2

Quòd

*Confusio
inuecta.*

*Quòd per te inuecta est plusquam Babylonica rerum
Colluices, miseriq; grauis confusio secli;
Non iam discrimen rerum, non amplius ordo
Ullus adest, sed triste chaos teturq; barathrum.*

Ergo triumphas?

*Germania
bellis ar-
dens.*

*Quòdq; potens opibus per te Germania vires
Amisit malesana suas, dum bella cruento
Marte cincti crudi fraterna in viscera fratres;
Famq; propè hæc orbem vastant incendia totum.*

Ergo triumphas?

*Rustici
rebelles.*

*Quòd per te atque tuos gens rustica facta rebellis
Principibus propriis, furiosa assumpserat arma,
Et bis pro meritis, meritis cum auctoribus, ultrà
Quam spes omnis erat, miseranda strage perēpta est.*

Ergo triumphas?

*Duces re-
belles.*

*Quòdq; duces Aquilis, sceptro imperijq; rebelles,
More Giganteo mouerunt irrita magno
Bella foui; quos, ut melior sententia, vicit,
Vicerunt Aquila, victos vindictosq; tenebant.*

Ergo triumphas?

*Gallia ci-
vili bello
propè e-
uerla.*

*Gallia inundauit quòd multo sanguine, quondam
Regnum opibus florens, quòd tot periére nefando
Ense sacerdotes, sed & unus imagine Christi
Anulsa, infurca moritur crucifixus eadem.*

Ergo triumphas?

Quòd

Quòd qui connixus sumptis dux Condeus armis
Regi inferre suo bellum, fanisq; profanas
Sacrilegasq; manus, magna nunc clade suorum
Accepta, cæsus nigri tenet atria Ditis.

Condeus
occisus.

Ergo triumphas?

Anglia te nouit, toto h̄ic celebraberis auo,
Rex ibi, luce tua plenus, de coniuge sumpsit
Supplicium; delubra Dei spoliata, sacriq;
Pontifices Getico ♂ Monachi moriuntur ab ense.

Anglica
næ cædes.

Ergo triumphas?

Quòd sacra templa ruunt conuulsa à sedibus imis,
Et tres Prūsiacæ in proprium quoq; nequiter urbes
Uno penè die ceperunt arma Senatum,
Post pñas mota de seditione dederunt.

Templo-
rum euer-
sio, sedic-
tio Prū-
sica.

Ergo triumphas?

Scotia quòd proprium Regem plebs carcere fædo
Multis ante modis, veteri pro relligione,
Indignè affectum, clausit, Flandriq; feroceſ
Nec quicquam in magnum conspirauere Philippum.

Seditio
Scotica
bella Flæ-
drix.

Ergo triumphas?

Quòd per te pietas, reuerentia, cura pudoris
Virginei cecidit, vitiis certare decorum est,
Qui verè velit esse pius simulare putatur:
Sic Athei sunt penè tuo de dogmate nati.

Virtutum
Christia-
narum ias-
cua.

Ergo triumphas?

B 3

Quòd

Licentia. Quòd, per te infelix, fœcunda licentia creuit,
Atque omni scelerum generi patefacta fenestra est.
Ut nèque barbaries iam sit tām barbara, quam n.
Exuperes gradibus multis monstrose Luthere.

Ergo triumphas?

**Discipli-
na laxata.** Regula quòd per te morum vitaq; magistra,
Sanctorum Patrum bona disciplina repulsa est;
Illa pios fidosq; Deo in statione tenebat,
Illa malos frugem ad meliorem sapè vocabat.

Ergo triumphas?

**Dilectio-
restincta.** Quòd per te Christo fidi dilectio catus
Refrixit, magni iussu retinenda Magistri,
Ut tibi nulla fuit (quoniam tibi si qua fuisset
Non nos desereres) sic & te nulla sequutis.

Ergo triumphas?

**Incerta-
mine de
Missa vi-
etus Lu-
therus à
Sathanā.** Quòd dum cum Sathana tibi res fuit, ipse fateris,
De Missa, victus rationibus illius, ipsam
Deseris, utque tibi poterat nil dicere veri,
Vincere quem tu non poteras, te vicerat ille.

Ergo triumphas?

**Vnitas
dissipata.** Unus si Deus est, si que unus Filius eius,
Spiritus amborum unus, si una Ecclesia, si unum
Est verbum, una fides, quæ te vesania mouit,
Ut tu eadem solus partes in mille secares?

Ergo triumphas?

An quia

*An quia viuenti spargentiq; ore venena
Credidimus nunquam, credis post impia fata
Quòd tibi credemus? nunquam persuaseris ulli,
Mortuus ut plus iam possis quàm in corpore viuus.*

Ergo triumphas?

*Quòd per te varij variisq; erroribus acti,
Tecum & secum discordes, putredine nati
Visceribusq; tuis, consurrexere Prophetæ;
Et iam se meritò partes in mille secarunt.*

Soboles
Lutheri
discors.

Ergo triumphas?

*Ante Euangeliū quintū quòd Turca remotus
Anobis fuerat longis regionib; at nunc
Post istud verbum nostro vicinior orbi,
Viscereq; in nostro propè iam sua castra locauit.*

Turca
propin-
quat.

Ergo triumphas?

*Quòd tua tot fructus peperit monstrofa libido,
Carnea religio, pietas atq; ebria, quot nunc
Non oculis tantùm capimus, sed penè tenemus
Nam plenis manibus, tot scandala, damna, ruinas.*

Carnea
religio.

Ergo triumphas?

*Ergo triumphator qualis sit disce Lutherus,
Ex hoc, qui ad viuum illustrat sua facta, triumpho:
Ut nihil is viuum fuerat quàm lurida pestis
Mundi infelicis, toti sic mortuus orbi*

Per ge-

Per genitos post se quid contulit ille prophetas,
Clarius est quam quod multis exponere verbis
Fd sit opus. Vafri Sathan& cognoscite queso
Insidias, teretesq; plagas, scopulosq; latentes,
Propositumq; scopum. Non nos maledicimus ulli,
Sed verum semper vobis predicimus, atque
Hac tanta iactura animarum ex corde dolemus.
Nil nisi vera caro, nil est nisi fator in illis,
Nil nisi spurcicies, furor, execranda tyrannis,
Qui semel auensi sunt uno à corpore Christi.
Ergo Christicola si quae vos cura salutis
Distinctet, obsecro & monco, maneat in uno
Sub pastore uno, quod & ipse gubernat, ouili.

Ad Lutherum & Lutheranos Apostrophe.

Sentisne gloriose
Athleta, de tenacis
Orci abdito recessu,
Dignū hūc tuis triumphū
Ausisq; præliisq;?
Videsne damna per te
Immissa Christiano
Orbi? vides, dolesq;
Sed irrito atque sero

Nixu : tuis piaclis
Nullæ sat eluendis
Iam lacrimæ esse possunt.
At ô misella turba
Falsi sequax Prophetæ,
Dum pænitere prodest,
Ad cor redi, perennem
Ut agas polo triumphum.
M. S.

Libuit

Libuit hoc loco adiungere duo
quædam his consona Martini Lutheri elogia,
ab ANDREA FRVSI O Societatis
IESV scripta.

De Martini Lutheri vita & morte.

O Felix Martine, tuis ut consona votis
Cuncta cadunt: viuens quod cupis, hoc et habes.
Temporibus nostris vis heresiarcha timeri,
Peior et antiquis omnibus, hoc et habes.
Ambitione flagrans, sacro nec honore potitus,
Vis auctor fieri schismatis, hoc et habes.
Vis fugere ex humili discinctus Apostata claustro,
Barbaricusq coli gentibus, hoc et habes.
Ulcisci vis Pontificem, Clerumq malignis
Prodere spernendum fraudibus, hoc et habes.
Vis ut nulla tibi lex imperet atque potestas,
Sisq iugo excusso Belial, hoc et habes.
Vis placitos fæde satiare libidinis astus,
Sacrilegisq frui nexibus, hoc et habes.
Vis esca potuq gulam cum ventre repleri,
Tale Dei ac regnum si foret, hoc et habes.
Vis tua ut eructet doctrinam crapula falsam,
Quæ pro lege Dei pullulet, hoc et habes.
Vis sacra, vis sanctos adeo pessundare ritus,
Ut commenta hominum quis putet, hoc et habes.

C

Vis eti-

*Vis etiam in Diuos blasphemias spargere voces,
Ne sit honos illis debitus, hoc tamen habes.
Vis credi non esse locum post funera manes
Purgantem, populus ne iuuet, hoc tamen habes.
Infernus vis esse tamen (sed iam scio nolles)
Supplicium dirum sotibus, hoc tamen habes.
Infelix Martine tuis nunc diffusa votis
Cuncta cadunt; quod vis mortuus, hoc nec habes.
Errores reuocare satos, tamen crimina velles
Expurgare modis omnibus, hoc nec habes.
Iam non esse Deum velles, aut posse repelliri.
Ne te pro meritis puniat, hoc nec habes.
Perpetuis saltē mersum non vivere pānis
Atque mori velles, hoc tamen habes, nec habes.
Et quia plus cruciat, quod vis non posse, perire
Velle tuum velles, hoc tamen habes, nec habes.
Denique velle tuum ut culpa sic regula pāna est,
Quod non vis, tamen vis: hoc tamen habes, nec habes.*

In eius Iactantiam.

TEs seruum Domino vocas fidelem,
Qui sponsam illius unicam columbam,
Vita ipsa quoque nempe cariorem,
Ausu contemerare vis nefando?
Te seruum Domino voca infidelem,
Aut hostem magis, atque proditorem,
Quo Iudas minus execrabilis sit.
Sed quo nomine vis fidelis esse?

An Chri-

An Christo quia gloriam parasse,
Multa fraude videris ampliorem,
Damnatis meritis, piisq; rebus?
Electis quasi pauculis salutem
Inuitis etiam det, atque firmet
Nulla ob crimina prorsus auferendam?
Cunctis at reliquis pyrae perennis
Diram constituat necessitatem,
Ut monstrat sibi quanta sit potestas?
His Luthere modis Deo atque Christo,
Laudem scilicet addis ampliorem,
Qualem nec sibi vindicavit unquam,
Unquam nec sibi conuenire duxit.
O seruum Domino nimis fidelem.





A. DALEWSKI
INTRODUCATOR
KRAKÓW
Zwierzyńiecka 16, L. p.

